



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax: +387 33 726-423
e-mail: info@voda.ba

Broj: **UP-1/21-2-40-160-2/24**

Datum: 27.05.2024. godine

„Agencija za vodno područje rijeke Save“ Sarajevo rješavajući po zahtjevu Općini Gornji Vakuf - Uskoplje, za izdavanje vodne suglasnosti na projektnu dokumentaciju Elaborat: «Uređenje dijela korita rijeke Vrbas u naselju Jelići, Općina Gornji Vakuf», urađen od strane „Zavod za vodoprivredu“ d.d. Sarajevo, maj 2022. godine, na osnovu člana 114., a u vezi sa članom 139. stav (1) tačka 9. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj suglasnosti**

1. Investitoru Općini Gornji Vakuf - Uskoplje daje se vodna suglasnost na projektnu dokumentaciju, Elaborat: «Uređenje dijela korita rijeke Vrbas u naselju Jelići, Općina Gornji Vakuf», urađen od strane „Zavod za vodoprivredu“ d.d. Sarajevo, maj 2022. godine.
2. Ova vodna suglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
3. Vodna suglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje i pod slijedećim uvjetima:
 - 3.1. Izvođenje radova vršiti sukladno sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uvjeta izvođenja radova prema uvjetima iz ove vodne saglasnosti u povoljnim hidrološkim uvjetima.
 - 3.2. Prilikom izvođenja radova koristiti opremu i strojeve koji su tehničke ispravne kako bi se spriječilo nekontrolirano istjecanje maziva i drugih naftnih derivata u rijeku Vrbas.
 - 3.3. Planom organizacije gradilišta predvidjeti da sav materijal i oprema koja će se koristiti tijekom izvođenja radova lociraju van vodnog dobra odnosno pojasa velikih voda 1/100.
 - 3.4. Investitor, koji je korisnik ove Vodne suglasnosti, dužan je angažirati stručnu osobu sa zadatkom praćenja nad izvođenjem svih faza gradnje.
 - 3.5. Izmjешtanje ili privremeno uklanjanje postojećih instalacija kao i njihovo konačno definiranje suglasiti s predstavnikom općine Gornji Vakuf-Uskoplje odnosno vlasnikom istih.
 - 3.6. Po završetku radova urediti obalni pojas sukladno uvjetima iz projektne dokumentacije.
 - 3.7. Tijekom izvođenja svih faza radova, iskopani materijal kao i materijali koji se koriste, se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 3.9. Predvidjeti da se sav nastali otpad, koji se smatra opasnim i štetnim, prikuplja u skladu sa važećim propisima o postupanju sa otpadom.

4. Investitor je obavezan pridržavati se svih mjera i uvjeta, propisanih u ovoj vodnoj suglasnosti i suglasnostima izdanim od strane drugih nadležnih organa.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne suglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).
7. Ova vodna suglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
8. Ovo rješenje o vodnoj suglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentirani zahtjev za izmjenu ovog vodnog akta.

Obrazloženje

Investitor, Općina Gornji Vakuf - Uskoplje, zatražio je izdavanje vodne suglasnosti na projektnu dokumentaciju Elaborat: «Uređenje dijela korita rijeke Vrbas u naselju Jelići, Općina Gornji Vakuf», urađen od strane „Zavod za vodoprivredu“ d.d. Sarajevo, maj 2022. godine. U provedenom postupku, uz zahtjev za izdavanje vodne suglasnosti dostavljena je slijedeća dokumentacija:

- Kopija uvjerenja o poreznoj registraciji, Porezna uprava FBiH - Kantonalni porezni ured Novi Travnik, od 23.12.2015. godine,
- Elaborat: «Uređenje dijela korita rijeke Vrbas u naselju Jelići, Općina Gornji Vakuf», urađen od strane „Zavod za vodoprivredu“ d.d. Sarajevo, maj 2022. godine,
- Urbanistička suglasnost br. 06/6-19.3-237-3/24 od 11.3.2024.god, izdana od Službe za prostorno planiranje, imovinsko pravne poslove i katastar, Općine Gornji Vakuf-Uskoplje,
- Zemljišnoknjižni izvadak broj: 046-O-NAR-22-004 369, ZK uložak broj: 1014, ZK ured Općinskog suda u Bugojnu,
- Kopija katastarskog plana R 1:2500, Općinska služba za prostorno planiranje, imovinsko pravne poslove i katastar općine Gornji Vakuf – Uskoplje,
- Popisni list broj: 06/5-26.1-32/22 od 29.06.2022. godine, Općinska služba za prostorno planiranje, imovinsko pravne poslove i katastar općine Gornji Vakuf – Uskoplje,
- Mišljenje broj: 06/6-19.1-494/22 od 29.06.2022. g. kojim se daje pozitivno mišljenje za sanaciju – uređenje dijela korita rijeke Vrbas, Služba za prostorno planiranje, imovinsko pravne poslove i katastar općine Gornji Vakuf – Uskoplje.
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari. U provedenom postupku konstatovano je sljedeće:

U provedenom postupku konstatovano je sljedeće:

- Aktivnost za koju je podnesen zahtjev za izdavanje vodne saglasnosti je uređenje korita rijeke Vrbas u cilju zaštite od velikih voda u naselju Jelići, na području općine Gornji Vakuf-Uskoplje;
- Izgradnjom regulacije rijeke Vrbas na predmetnoj dionici osigurat će se proticajni profil za velike vode $Q_{1/100}$ bez nadvišenja obala, stabilizacija obala vodotoka i spriječava štetno djelovanje voda;
- Ukupna dužina planirane regulacije korita iznosi cca 290 m.

- Za navedene aktivnosti izrađen je Elaborat: «Uređenje dijela korita rijeke Vrbas u naselju Jelići, Općina Gornji Vakuf», urađen od strane „Zavod za vodoprivredu“ d.d. Sarajevo, maj 2022. godine.

Dostavljena tehnička dokumentacija urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-305-6/22 izdatog dana 12.08.2022. godine od strane Agencije, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu. Na osnovu provedenog postupka, a u svrhu smanjenja negativnih uticaja predmetne aktivnosti na režim voda ili uticaja režima voda na stanovništvo, objekte, radove i okolinu, podnosiocu zahtjeva su u dispozitivu ovog rješenja, propisani uvjeti koje je Investitor dužan ispuniti. Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:
Marko BARIĆ, dipl.inž.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

- Dostaviti:
- Općini Gornji Vakuf - Uskoplje, Vrbaska bb.
 - AVP-ISV -Vodna knjiga,
 - ⊖ Sektor 40, arhiva,
 - Oglasna tabla AVP-Sava Sarajevo